

五經同卷

思二

七佛父母姓字經

佛說放牛經

佛說緣起經

十一想思念如來經

佛說四泥犁經

乙

傳盛辨

七佛父母姓字經

曹魏世失譯

聞如是一時佛在舍衛國國中有婦人子字無延因号無延母佛將五百比丘到無延母家殿上坐飯飯已有數十比丘於屏處相與共語言佛是我所尊事神無極佛自在意變化何等不作知已去佛及當來佛年幾壽命父母姓字弟子幾人所施行志意教令佛以天耳聞諸比丘共說是事佛即到諸比丘所問言屬者若曹共議論何等諸比丘言我思念佛最神道德妙達所知高遠無能過佛者佛乃知前已去佛及當來佛年幾壽命父母

姓字弟子幾人所施行志意教令佛言善哉善哉當尔若曹行沙門但當念是諸善耳佛言若曹欲聞已去佛及父母諸弟子姓字不諸比丘言願欲聞之佛言皆聽第一佛字惟衛佛般泥洹已來九十一劫第二佛字式佛般泥洹已來三十一劫第三佛字隨葉佛般泥洹已來同三十一劫是披地羅劫中當有兩五百佛第一者拘樓秦佛第二佛者拘那鎗牟尼佛第三者迦葉佛第四者我字釋迦文尼佛維衛佛姓拘隣式佛亦姓拘隣隨葉佛亦姓拘隣拘樓秦佛姓迦葉拘那鎗牟尼佛亦姓迦葉迦葉佛亦姓迦葉今我作釋迦文尼佛姓瞿曇維衛佛刹利種式佛亦刹利種隨葉佛亦刹利種拘樓秦佛婆羅門種拘那鎗牟尼佛亦婆羅門種迦葉佛亦婆羅門種今我釋迦文尼佛刹利種維衛佛父字槃裒刹利王母字槃頭末陀所

治國名刹末提式佛父字阿輪擊刹利王母
 字波羅呵越提所治國名阿樓那和提隨葉
 佛父字須波羅提和刹利王母字耶舍越提
 所治國名阿耨憂摩拘樓秦佛父字阿枝違
 兜婆羅門種母字隨舍迦所在國名輪訶喇
 提那王字須訶提拘那鎗牟尼佛父字耶睽

思二

二

盛

鉢多婆羅門種母字鬱多羅所在國名差摩
 越提王字差摩迦葉佛父字阿枝達耶婆羅
 門種母字檀那越提耶所在國名波羅私其
 王名其甚墮今我作釋迦文尼佛父字閱頭
 檀刹利王母字摩訶耶所治國名迦維羅衛
 先大王名槃提

維衛佛在世壽八萬歲式佛在世壽七萬歲
 隨葉佛在世壽六萬歲拘樓秦佛在世壽四
 萬歲拘那鎗牟尼佛在世壽三萬歲迦葉佛
 在世壽二萬歲今我作釋迦文佛纒壽百歲
 或長或短
 維衛佛子字須曰多韃陀式佛子字阿兜羅

隨葉佛子字須波羅曰拘樓秦佛子字鬱多
 羅拘那鎗牟尼佛子字隨夷陀先那迦葉佛
 子字沙多和今我作釋迦文尼佛子字羅云
 維衛佛得道為佛時於波陀羅樹下式佛得
 道為佛時於分塗利樹下隨葉佛得道為佛
 時於薩羅樹下拘樓秦佛得道為佛時於斯

刹樹下拘那舍牟尼佛得道為佛時於烏暫
 樹下迦葉佛得道為佛時於尼拘類樹下今
 我作釋迦文尼佛時於阿沛多樹下

侍維衛佛者字阿輪侍式佛者字差摩竭侍
 隨葉佛者字復枝葉侍拘樓秦佛者字浮提
 侍拘那鎗牟尼佛者字薩質侍迦葉佛者字

思二

三

盛

薩波密今我作釋迦文尼佛侍者字阿難
 維衛佛第一弟子字為塞第二弟子字質舍
 式佛第一弟子字阿比務第二弟子字三叅
 隨葉佛第一弟子字佛提第二弟子字鬱多
 拘樓秦佛第一弟子字僧耆第二弟子字維
 留拘那鎗牟尼佛第一弟子字轉輪第二弟

子字鬱多迦葉佛第一弟子字質耶輪第二弟子字波達喲今我作釋迦文尼佛第一弟子字舍利弗羅第二弟子字摩訶目捷連維衛佛前後三會爲諸比丘說經第一會說經有十萬比丘皆得阿羅漢第二會說經有九萬比丘皆得阿羅漢第三會說經有八萬比丘皆得阿羅漢式佛亦三會說經第一會說經有九萬比丘皆得阿羅漢第二會說經有八萬比丘皆得阿羅漢第三會說經有七萬比丘皆得阿羅漢隨葉佛再會說經第一說經有七萬比丘皆得阿羅漢第二會說經有六萬比丘皆得阿羅漢拘樓秦佛一會說經有四萬比丘皆得阿羅漢拘那鉢牟尼佛一會說經有三萬比丘皆得阿羅漢迦葉佛一會說經有二萬比丘皆得阿羅漢今我作釋迦文尼佛一會說經有千二百五十比丘皆得阿羅漢佛告諸比丘言佛智不可斗量亦不可稱能

知七佛本所生父母國王所施行佛告諸比丘經不可不學道不可不爲佛者譬如大海水中船師數千萬人皆仰以得度海佛教天下皆使爲善得道度世亦是諸比丘聞經歡喜作禮而退

七佛父母姓字經

